

Rees a Polen

05. - 14.09.2016



Text a Fotoen: Luss Wolff



Warschau Kulturpalast



Warschau Chopin Monument

Vum 5. bis den 14. September huet d' Amicale vum Escher Kolléisch eng Rees an Polen organiséiert. Fier déi 13 Reesgäscht sollt d' Entdeckung vun engem Land wat zënter 2004 an der EU ass en onvergiesslecht Erliewnes ginn. Ugefaangen mat der Hauptstadt Warschau wou besonnesch den Kultur- an Wëssenschaftspalast weist dass den russeschen Afloss nach ëmmer omnipräsent ass. D' Monument vum Frédéric Chopin, d' Summerresidenz vum leschten polneschen Kinnek Stanislaus Poniatowski wou den lëtzebuerger Grupp fier den Familjenalbum poséiert huet, d' Alstad mam Kinneksschlass an d' Mahnmal als Erënnerung un d' Leidensgeschichte vun den Judden am Warschauer Ghetto sinn Héichpunkten vun engem Besuch an der Hauptstadt.



Warschau Familjefoto



Warschau Kinneksschlass



Warschau Mahnmal Ghetto

An der Bezirkshauptstad Lublin léisst engersaits d' KZ Majdanek Emotiounen opkommen. Anerersaits fasziniert d' Alstad den Visiteur mat hierem Schlass.



Lublin KZ Majdanek



Lublin Schlass

Zu Krakau der 3. Etape vun der Polenrees sinn d' Barbakan Poart an Iwwerreschter vun der Stadmauer Zeien vun enger mëttelalterlecher Festung. Iwwer dem Weichsel Floss um sougenannten « Wawel Hiwwel » trount d' kinneklecht Schlass mat der Kathedral Sankt Waclaw wou den Baustyl vum 12. bis zum 18. Jh. reecht. D' lieweg Moartplaz vun Krakau mat der gothescher Marienkirche ass en Must fier all Polentourist. Als « Extrabonbon » stung duerno en Salzbieregwerk um Programm vun der Amicale.



Krakau Barbakan Poart



Krakau Kathedral Sankt Waclaw



Krakau Marienkirche



Krakau Salzbergwerk

Zu enger Polenrees gehéiert nun eemol och d' Besichtigung vun den Nazi-Vernichtungslager Auschwitz an Birkenau wou och un d' jiddesch Affe aus Lëtzebuerg erënnert gët



Auschwitz-Birkenau

Breslau, Kulturstad 2016, ass no Warschau, Krakau an Lodze déi 4gréissten Stad an Polen. D' Douminsel mat der 2Tiern Bëschofskierch gläich um Ufer vun der Oder an d' Alstad mat schéin restauréiert Biergerheiser an engem herrlechen alen Stadhaus hannerloossen Impressiounen déi een esoubal net vergësst. No enger gelangener Rees geet en besonneschen Merci und d' Vizepräsidentin Aleks Gulbicki déi den Grupp als Tourleader begleet huet.



Breslau Douminsel



Breslau Biergerheiser



Breslau alt Stadhaus